

飲

虹

移

所

刻

曲


孝威



餘江縣志  
刻  
曲  
李氏  
印

芳  
茹  
園  
樂  
府

(四七)



小序

清都散客爲園而名芳茹者蓋無奇葩異種  
怪獸名禽惟香葱白菜□棗青梨春有牡丹  
夏有芰荷秋有菊而冬有梅池魚之踴躍飛  
鳥之往還隨時隨景自適其性性天活潑真  
趣自流時而爲文時而爲詩又時而爲樂府  
俱道人所不能言者余從之久矣不知文與  
詩而學樂府又不知謔不過玩其趣味已耳  
秋色無聊得樂府若干首細閱之詞章瀟灑  
慷慨激烈歡欣鼓舞殆與時韻俗調大逕庭

矣余友蓬丘道人知音者相與校證焉付剞  
劂氏公諸海內使海內問清都散客者爲誰  
吾不知著笑贊者又爲誰

新周居士書

芳茹園樂府目次

套數

雙調新水令

失題

東園偶成

仙呂入雙調步步嬌

夏日感恩樓酒集

雙調新水令

得魏中丞書

仙呂點絳脣

壽家君六十五

慰張輦昌罷官

中呂石榴花

東園酒集

雙調新水令

失題

小令

銀紐絲五首

正宮醉太平

偶感

孝南枝二首

雙調折桂令 四首

仙呂桂枝香 憶故人二首

水仙子帶過折桂令

雙調折桂令後帶急三槍 二首

雙調鎖南枝帶過羅江怨 三首

一口氣

雙調鎖南枝半插羅江怨 二首

商調山坡羊 四首

仙呂入雙調玉抱肚 五首

雙調鎖南枝帶過羅江怨 二首

喜連聲

雙調鎖南枝帶過羅江怨

一首

劈破玉

芳茹園樂府

高邑趙南星夢白謨

套數

雙調新水令

逸

步步嬌

東風冉冉傳春信  
攜酒向東郊  
問散步側烏  
巾只見煙霧飄香  
河山燦錦燕語隔牆  
聞道梨花不似桃花  
俊

折桂令

選地塌

案此二字疑誤

共坐芳塵薄雲曠野細雨孤

村雲聚還開雨來乍歇酒盡重斟野花兒笑  
生生亂合人親山鳥兒語喇喇齊勸杯頻高  
興千尋滿泛千巡憑着俺這夥劉伶端的要  
熬醉了陽春

江兒水

笑殺東山妓常開北海尊有知心幾個人兒  
韻遇芳林就把盒兒趁送香醪不把情兒捐  
四美二難奪盡甚娘廝文俺只要狂歌痛飲  
鴈兒落帶得勝令

纔這裏俯銀塘看鷺羣又那裏攀錦樹衝花

陣纔這裏脆甘甘唱小調又那裏鬧哈哈胡  
打諢纔這裏疏刺刺投壺箭又那裏響璫璫  
擲骰盆纔這裏賭罷藏鬪戲又那裏放流杯  
王右軍評也麼論休提起丹鳳闕黃金印歡  
也麼忻占住這白雲窩碧草茵

僥僥令

許身追稷契無力正乾坤不如嘯傲紅塵外  
閒看那逞乖覺得意的人

狂來憐月影醉倒愛花陰都無賓主誰先散  
破着俺紫羅衫染酒痕

尾聲

金壺玉漏無情甚論起這一日歡娛忒狠索  
勝似他忙中好幾春

雙調新水令

東園偶成

柳條索索惹香塵細腰肢不勝嬌困小池亭  
光景俊花雨過倍精神天也憐春恰三月逢  
着閨

步步嬌

已過清明似覺春猶嫩曉寒生羅衣浸天桃  
露小唇掩映梨花嬌紅膩粉行坐細香跟恁

風流那討閒愁悶

折桂令

邵平園也在東門一脈知音千古閒身高樹  
含風幽花驪霧翠竹捎雲汲泉烹雀舌茶香  
韻難禁帶露剪馬蘭菲美味絕倫春色紛紜  
和氣氤氲小筵席獨個兒的村醪喬公座就  
地兒的蒲墩

江兒水

翠沼聽蛙部閒堦看蟻屯酒方兒做會柴桑  
醞藥方兒看會丹溪論睡方兒學會希夷困

一點輕薄未盡想起時人俺這裏莞然自哂  
鴈兒落帶得勝令

一個家灑長鬚假婦人一個家束大帶眞光  
昆一個家苦施出鷹犬威一個家剩戳些奴  
材笨一個家孔方兄同胞弟一個家馮子都  
結義親一個家善打蓮花落一個家賽梁山  
黑煞神他也麼們偏撞着財鄉運官鄉運咎  
也麼們怕提着順城門德勝門

僥僥令

眼邊無俗物身外卽浮雲暗中不覺光陰越

早已是潑生涯三四旬見放着白頭髮八九根

收江南

呀俺如今纔知道世事阿不過是細松紋掙下些良田大廈是能臣騙的個封妻蔭子是奇勲磣壞了我們磣壞了我們端的是傷了時務損了人民

園林好

有園林還不當貧饑時食困來就盹只一味憎騰任運這其間樂事真這其間樂事真